

Прилог 126.**Изглед таблице за олдтајмере**

Na osnovu člana 215. stav (3) Zakona o osnovama sigurnosti prometa na cestama u Bosni i Hercegovini ("Službeni glasnik BiH", br. 6/06, 75/06, 44/07, 84/09, 48/10, 18/13, 8/17, 89/17 i 9/18), ministar komunikacija i prometa Bosne i Hercegovine, u saradnji sa entitetskim ministarstvima unutrašnjih poslova u Bosni i Hercegovini i policijom Brčko distrikta Bosne i Hercegovine, donosi

**PRAVILNIK
O DOPUNAMA PRAVILNIKA O REGISTRIRANJU
VOZILA**

Član 1.

U članu 1. stav (1) tačka a) Pravilnika o registriranju vozila ("Službeni glasnik BiH", br. 69/09 i 29/20), iza alineje 6. dodaje se alineja 6a. koja glasi:

"6a. izdavanje prenosivih tablica".

Član 2.

Iza člana 12. dodaju se novi čl. 12a., 12b. i 12c. koji glase:

"Član 12a.

(Postupak izdavanja prenosivih tablica)

- (1) Zahtjev za izdavanje prenosivih tablica za vozilo podnosi se policijskoj stanici prema sjedištu pravnog ili fizičkog lica - preduzetnika.
- (2) Potvrda o registraciji vozila za prenosive tablice izdaje se na obrascu Potvrde o registraciji iz Priloga broj 5. ovog pravilnika u koji se unose sljedeći podaci:
 - a) nadležno tijelo;
 - b) registarska oznaka prenosive tablice (A);
 - c) podaci o nositelju potvrde o registraciji (C.1);
 - d) prezime ili naziv (C.1.1.);
 - e) ime (C.1.2.);
 - f) mjesto, općina, adresa (C.1.3.);
 - g) rok važenja registracije (H);
 - h) datum izdavanja (I);

i) mjesto izdavanja (2);

j) evidencijski broj (3);

k) napomena.

- (3) Nadležno tijelo iz stava (1) ovog člana, postupajući po zahtjevu za izdavanje prenosivih tablica, donosi rješenje kojim odobrava izdavanje prenosivih tablica u skladu sa registriranom djelatnošću podnosioca zahtjeva.
- (4) Rješenjem iz stava (3) ovog člana bliže se uređuju uvjeti korištenja prenosivih tablica, broj odobrenih parova prenosivih tablica sa registarskim oznakama, serijski broj/brojevi dodijeljenih knjižica potvrda o korištenju prenosivih tablica, kao i iznos utvrđene naknade za korištenje prenosivih tablica.
- (5) U Potvrdi o registraciji iz stava (2) ovog člana se u rubrici "napomena" upisuje tekst "PRENOSIVE TABLICE" i broj i datum rješenja kojim su iste dodijeljene.

Član 12b.

(Korištenje prenosivih tablica)

- (1) U vozilu na kojem se nalaze prenosive tablice a koje učestvuje u prometu mora se nalaziti Potvrda o registraciji vozila za prenosive tablice, polisa o obaveznom osiguranju izdata za te prenosive tablice i potvrda o korištenju prenosivih tablica koje su na vozilu.
- (2) Potvrdu o korištenju prenosivih tablica izdaje pravno ili fizičko lice preduzetnik koji se bavi proizvodnjom, nadogradnjom, servisiranjem, prijevozom ili prodajom vozila na malo, a kojem je odobreno korištenje prenosivih tablica.
- (3) Izdavatelj potvrde o korištenju prenosivih tablica iz stava (2) ovog člana obavezan je voditi evidenciju o izdatim potvdama o korištenju prenosivih tablica i dati je na uvid nadležnom tijelu.
- (4) Rok važenja prenosivih tablica je godinu dana.
- (5) Nakon isteka roka iz stava (4) ovog člana, ukoliko nisu ponovno izdate, korisnik prenosivih tablica dužan je sve

prethodno izdate prenosive tablice i potvrde o registraciji vozila za prenosive tablice vratiti nadležnom tijelu u roku od osam dana.

- (6) U slučaju da se prenosive tablice i potvrda o registraciji vozila ne vrate u roku iz stava (5) ovog člana, nadležno tijelo koje je izdalo iste po službenoj dužnosti pokreće postupak vraćanja.
- (7) U slučaju gubitka, krađe ili oštećenja prenosivih tablica i isprava o vozilu primjenjuju se odgovarajuće odredbe čl. 20., 21. i 22. ovog pravilnika.
- (8) Izgled i sadržaj prenosivih tablica i Potvrde o korištenju prenosivih tablica dat je u Prilogu broj 12a. i čini dio ovog pravilnika.

Član 12c.

(Knjižica potvrda o korištenju prenosivih tablica)

- (1) Knjižica potvrda o korištenju prenosivih tablica pravougaonog je oblika sive boje, veličine 210×148,5 mm, a sastoji se od 50 potvrda o korištenju prenosivih tablica u dva primjerka označenih rednim brojevima.
- (2) Potvrda o korištenju prenosivih tablica se ispunjava u dva primjerka, prvi primjerak se izdaje vozaču, a drugi primjerak ostaje u knjižici iz stava (1) ovog člana.
- (3) Potvrda o korištenju prenosivih tablica se izdaje najduže na rok do 7 dana.
- (4) Obrazac potvrde o korištenju prenosivih tablica bijele je boje, veličine 210×148,5 mm i sadrži sljedeće podatke:
 - a) oznaku prenosive tablice;
 - b) podatke o vozaču (ime i prezime, broj vozačke dozvole);
 - c) svrhu korištenja prenosivih tablica;
 - d) relaciju kretanja;
 - e) podatke o vozilu (vrsta, marka i tip vozila, broj šasijske vozila, boja vozila);
 - f) rok važenja potvrde o korištenju prenosivih tablica.
- (5) Knjižica potvrda o korištenju prenosivih tablica s drugim primjerkom potvrde služi kao evidencija o izdatim potvdama.
- (6) Dio evidencije iz stava (5) ovoga člana su dokazi o korištenju prenosivih tablica u svrhe odobrene rješenjem."

Član 3.

Iza člana 40. dodaju se novi čl. 40a. i 40b. koji glase:

"Član 40a.

(Oblik i sadržaj prenosive tablice)

- (1) Prenosive tablice su bijele boje, oivičene crvenom linijom, sa registarskom oznakom napisanom crvenom bojom, koja se sastoji od dva slova MT, linije i šest brojeva, dužine 520 mm, visine 110 mm i širine 1 mm i plavim poljem u lijevom dijelu tablice koja sadrži međunarodnu oznaku BiH i izrađene su od istog materijala kao i tablice sa međunarodnom oznakom BiH.
- (2) Prenosive tablice postavljaju se na mjesto predviđeno za registarske tablice.

Član 40b.

(Oblik i sadržaj tablice za oldtimere)

- (1) Tablice za oldtimere su bijele boje oivičene crnom bojom sa registarskom oznakom napisanom crnom bojom, koja se sastoji od slova OT, linije i šest brojeva, dužine 520 mm, visine 110 mm i debljine 1 mm i plavim poljem u lijevom dijelu tablice koja sadrži međunarodnu oznaku BiH i izrađene su od istog materijala kao i tablice sa međunarodnom oznakom BiH. Tri broja iza slova OT označavaju posljednja tri broja godine proizvodnje vozila.
- (2) Izgled i sadržaj tablice iz stava (1) ovog člana dat je u Prilogu broj 12b. i čini dio ovog pravilnika."

Član 4.

- (1) U članu 70. iza stava (1) dodaje se novi st. (2), (3) i (4), koji glase:
 - "(2) IDDEEA na osnovu podataka sadržanih u zahtjevu dostavljenom od strane nadležnog tijela putem aplikacije personalizuje tablice za oldtajmere.
 - (3) IDDEEA je dužna da u roku 30 dana od dana zaprimanja zahtjeva putem aplikacije izvrši personalizaciju i nadležnom tijelu dostaviti tablice iz stava (2) ovog člana.
 - (4) IDDEEA je dužna donijeti Uputstvo o načinu podnošenja zahtjeva putem aplikacije za personalizaciju tablica za oldtajmere."
- (2) Dosadašnji st. (2) i (3) postaju st. (5) i (6).

Član 5.

Ovaj pravilnik stupa na snagu osmog dana od dana objavljivanja u "Službenom glasniku BiH".

Broj 01-05-02-2-295/21
03. februara 2021. godine
Sarajevo

Ministar
Dr. **Vojin Mitrović**, s. r.

Prilog 12a.

Izgled prenosive tablice i obrasca Potvrde o korištenju prenosivih tablica



(pun naziv i adresa korisnika prenosivih tablica, u skladu sa odobrenjem boje je izdano redkorno tijelo)

POTVRDA

o korištenju prenosivih tablica oznake _____

1. **Podaci o vozaču:** ime i prezime _____ broj vozačke dozvole _____
2. **Svrha korištenja prenosive tablice:** _____
3. **Relacija kretanja:** _____
4. **Podaci o vozilu:** vrsta _____ marka _____ tip _____
Broj šasije _____ boja _____
5. **Rok važenja potvrde o korištenju prenosivih tablica** od __/__/__ do __/__/__

M. P. _____

(potpis odgovornog lica)

Podaci se popunjavaju čitko, je dan primjerak se izdaje vozaču, drugi identičan primjerak ostaje u knjižnici vozača.

Prilog 12b.**Izgled tablice za oldtimere**

Na temelju članka 215. stavak (3) Zakona o osnovama sigurnosti prometa na cestama u Bosni i Hercegovini ("Službeni glasnik BiH", br. 6/06, 75/06, 44/07, 84/09, 48/10, 18/13, 8/17, 89/17 i 9/18), ministar komunikacija i prometa Bosne i Hercegovine, u suradnji s entitetskim ministarstvima unutarnjih poslova u Bosni i Hercegovini i policijom Brčko distrikta Bosne i Hercegovine, donosi

**PRAVILNIK
O DOPUNAMA PRAVILNIKA O REGISTRIRANJU
VOZILA**

Članak 1.

U članku 1. stav (1) točka a) Pravilnika o registriranju vozila ("Službeni glasnik BiH", br. 69/09 i 29/20), iza alineje 6. dodaje se alineja 6a. koja glasi:

"6a. izdavanje prenosivih pločica".

Članak 2.

Iza članka 12. dodaju se novi čl. 12a., 12b. i 12c. koji glase:

"Članak 12a.

(Postupak izdavanja prenosivih pločica)

- (1) Zahtjev za izdavanje prenosivih pločica za vozilo podnosi se policijskoj stanici prema sjedištu pravne ili fizičke osobe - poduzetnika.
- (2) Potvrda o registraciji vozila za prenosive pločice izdaje se na obrascu Potvrde o registraciji iz Privitka broj 5. ovog Pravilnika u koji se unose sljedeći podaci:
 - a) nadležno tijelo;
 - b) registarska oznaka prenosive pločice (A);
 - c) podaci o nositelju potvrde o registraciji (C.1.);
 - d) prezime ili naziv (C.1.1.);
 - e) ime (C.1.2.);
 - f) mjesto, općina, adresa (C.1.3.);
 - g) rok važenja registracije (H);
 - h) datum izdavanja (I);
 - i) mjesto izdavanja (2);
 - j) evidencijski broj (3);

k) napomena.

- (3) Nadležno tijelo iz stavka (1) ovog članka, postupajući po zahtjevu za izdavanje prenosivih pločica, donosi rješenje kojim odobrava izdavanje prenosivih pločica sukladno registriranoj djelatnosti podnositelja zahtjeva.
- (4) Rješenjem iz stavka (3) ovog članka bliže se uređuju uvjeti korištenja prenosivih pločica, broj odobrenih parova prenosivih pločica s registarskim oznakama, serijski broj/brojevi dodijeljenih knjižica potvrda o korištenju prenosivih pločica, kao i iznos utvrđene naknade za korištenje prenosivih pločica.
- (5) U Potvrdi o registraciji iz stavka (2) ovog članka se u rubrici "napomena" upisuje tekst "PRENOSIVE PLOČICE" i broj i datum rješenja kojim su iste dodijeljene.

Članak 12b.

(Korištenje prenosivih pločica)

- (1) U vozilu na kojem se nalaze prenosive pločice a koje sudjeluje u prometu mora se nalaziti Potvrda o registraciji vozila za prenosive pločice, polisa o obveznom osiguranju izdana za te prenosive pločice i potvrda o korištenju prenosivih pločica koje su na vozilu.
- (2) Potvrdu o korištenju prenosivih pločica izdaje pravna ili fizička osoba poduzetnik koji se bavi proizvodnjom, nadogradnjom, servisiranjem, prijevozom ili prodajom vozila na malo, a kojem je odobreno korištenje prenosivih pločica.
- (3) Izdavatelj potvrde o korištenju prenosivih pločica iz stavka (2) ovog članka obavezan je voditi evidenciju o izdanim potvdama o korištenju prenosivih pločica i dati je na uvid nadležnom tijelu.
- (4) Rok važenja prenosivih pločica je godinu dana.
- (5) Nakon isteka roka iz stavka (4) ovog članka, ako nisu ponovno izdane, korisnik prenosivih pločica dužan je sve prethodno izdane prenosive pločice i potvrde o registraciji vozila za prenosive pločice vratiti nadležnom tijelu u roku od osam dana.
- (6) U slučaju da se prenosive pločice i potvrda o registraciji vozila ne vrate u roku iz stavka (5) ovog članka, nadležno